

فيديو #٥٩٢ من مقاطع حظر التجول تدبر سورة المؤمنون #٦

الآية ٥٤-٢٥

فاضل سليمان

السلام عليكم ورحمة الله وبركاته. اهلا بحضراتكم في المقطع رقم متين خمسة تسعين من مقاطع حظر التجول والمقطع رقم ستة من مقاطع آ تدبر سورة المؤمنون. آ أرجو من حضراتكم تجميعوا المصاحف - [00:00:02](#)

وآ تدبرنا اول امس جانب من قصة نوح عليه الصلاة والسلام وامبارح تدبرنا قصة نبي لم يذكر بالاسم وقومه لم يذكروا بالاسم وان كانت القصة هي قصة كل نبي تقريبا. لذل ربنا لم يذكر وكأنها قصة كل نبي. كل نبي يأتي يدعو لتوحيد الله - [00:00:27](#)

وعباد الله وحده وقومه يكذبون. ويسوقوا اسباب واهية وحجج فارغة. اه زي ان هو بشر مش ملاك وكده. وكلهم برضو واجهوا يعني نفس المصير اه وهو اه هذا قبل نزول التوراة. الالهالك - [00:00:54](#)

كان ينزل عليهم من الله قوم نوح اهلكوا قوم آ شعيب اغلقوا قوم لوط اهلكوا. قوم آ صالح اهلكوا. قوم هود اهلكوا. وهكذا. اقرا معي خمسة واربعين بقى النهاردة هنبدا من الآية خمسة واربعين - [00:01:15](#)

اعوذ بالله السميع العليم من الشيطان الرجيم ثم ارسلنا موسى واخاه هارون باياتنا وسلطان مبين الى فرعون وملائه فاستكبروا وكانوا قوما عاليين ربنا ارسل موسى وهارون باياتنا يعني بايات بالمعجزات الدالة على صدق رسالتهم - [00:01:29](#)

اه وهذه الايات واضحة جدا. لدرجة انها اصبحت سلطان مبين السلطان نوعين. اما سلطان بالقهر او سلطان بالحجة والاقناع سلطان القاهر يعني حد عنده سلطة في انه يتحكم في الناس او يجبرهم على امر ده اسمه سلطان - [00:02:04](#)

عنده الصلاحية مانديت. عنده الصلاحية انه يجبر الناس وسلطان الحجة يعني حد عنده حجة قوية مفحمة لدرجة انها تجبر اي انسان محايد وبيفكر طريقة سليمة انه يقتنع الايات بتاعة سيدنا موسى زي العصا اللي بتنقلب ثعبان. اليد اللي بتطلع بيضاء من تحت بؤه يحطها تاني تطلع عادي. كل ده كان واضح - [00:02:27](#)

لدرجة انه اصبحت سلطان. سلطان بتريق سين سوء سلطان ثم ارسلنا موسى واخاه هارون باياتنا وسلطان مبين طيب لما هي الايات مقنعة اوي كده. فرعون وقومه لم يؤمنوا ليه الآية اللي جاية قريت دماغك وبتجاوبك. الى فرعون وملاه فاستكبروا وكانوا قوما عاليين - [00:02:56](#)

هم مش ما اقتنعوش بالايات والمعجزات. لا ده المسألة نفسية المسألة مسألة كبر هو شايف ومع ذلك انكر برضو جحدوا بها واستيقنتها انفسهم فاستكبروا الف سين تاء زائد الفعل يعني طلب الفعل استكبروا يعني طلبوا او ارادوا انهم يزهروا - [00:03:28](#)

بمظهر اكبر ممن حولهم ونتيجة ذلك وكانوا قوما عاليين. فبقوا يتعاملوا مع الناس بتعالى اقرا سبعة واربعين فقالوا انؤمن لبشرين مثلنا وقومهما لنا عابدون بقى احنا الفراعنة العظام والشعب العظيم - [00:03:54](#)

هنؤمن الاتنين بني ادمين لبشرين مثلنا اتنين بني ادمين زينا وكمان ما هماش من خلفية شيك. ما هماش ولاد ناس. ما هماش مترفين. ما هماش اعضاء في نادي الجزيرة ونادي هليوبلس. لا لا - [00:04:21](#)

دول من شعب بني اسرائيل العبيد اللي بيشتغلوا عندنا. اقرا معي. فقالوا انؤمن لبشرين مثلنا وقومهما انا عابدون ده اهلهم اشتغلوا عندنا هي نفس نفس نفس نفس العقلية عبر الزمان - [00:04:38](#)

كالعادة كذبوهما يعني كذبوا موسى وهارون. اقرا معي تمانية واربعين. فكذبوهما فكانوا من المهلكين ده اللي هم مين؟ فرعون وملأه. حلو ربنا اهلكهم وعارفين القصة واحنا ملاحزين في سورة المؤمنون ان قصص الانبياء اللي بييجي ده مش بييجي معه بالتفصيل -

00:05:01

مسألة كيف هلك القوم وما الذي حصل بالزبط ما بتجيش القصة بالتفصيل. مجرد ان كل قصة منهم بتؤكد على ان رسالة الانبياء كلها واحدة وان رد فعل اقوامهم برضه كان كل واحد - 00:05:28

يعني هي نفس القصة بتتكرر اقرا تسعة واربعين بقى وفتح لي ودانك اوي ركزوا معي جدا ولقد اتينا موسى الكتاب لعلهم يهتدون خلي بالك سيدنا موسى له رسالتين مختلفتين رسالة الى فرعون والاقباط او القبط. يعني المصريين اقباط مش يعني مسيحيين ما حدش يضحك عليكم. اقباط يعني مصريين - 00:05:42

قبل السيد المسيح ما يتولد بالف وخمسيت سنة كان اسمهم اقباط. عشان تبقوا عارفين. اقباط القبط الجبط ايجيت الجبت يعني الطينة السوداء فدل كانوا اقباط وثنيين فكان عنده رسالة لفرعون والقط وعنده رسالة لبرني اسرائيل لدعوة بني اسرائيل. الرسالة دي هي اللي نزل فيها التوراة - 00:06:10

يعني بعد ما فرعون وملأه وجنوده ماتوا غرقا بعدها بايام باسابع نزلت التوراة في سينا فالتوراة مش بتستهدف المصريين. التوراة ما كنتش موجهة للمصريين. اقرا بقى الاية بتقول ايه ولقد اتينا موسى الكتاب. اللي هو التوراة لعلهم يهتدون - 00:06:37 مين هم منهم بني اسرائيل طبعاً. صحيح بس فين فكر بني اسرائيل في الكلام اللي قبل كده عشان ربنا يشير اليهم بضمير الغائب لعلهم يهتدون طب هم موجودين في فين؟ مش موجودين في الصورة كلها - 00:07:00

يعني كل الايات اللي قبل كده لم يأتي ذكر بني اسرائيل فيها سبحانه الله! ولا يمكن يكون المقصود فرعون وملأه اللي هم ذكروا في اخر ناس ذكروا فرعون وملأه. لان التوراة نزلت بعدهم بعد ما غرقوا في البحر - 00:07:18

قال لك موسى هنا مش يعني سيدنا موسى ده تفسير الرازي موسى هنا يعني قوم موسى زي ما العرب بيشيروا لمسلما قبيلة بكر فيقولوا قبيلة تميم يقولوا تميم. لما باقول لك انا ذاهب الى تميم معناها قبيلة تميم ملايين - 00:07:36 لغة بكر لغة تميم لغة ثقيل في اسود القبيلة كلها فقال لك هنا ايضاً موسى يعني قوم موسى ولقد اتينا قوم موسى الكتاب لعلهم يهتدون. ولقد اتينا موسى قوم موسى - 00:07:57

ابن عاشور التحليل والتنوير هذا المفسر التونسي العظيم الاجابة تونس قال ان رأيه هو ان يهتدون مقصود بها غير مذكور في النص. يعني مقصود بها بني اسرائيل هي مش مقصود بها يعني مش ولقد اتينا قوم موسى - 00:08:15

ولا حاجة. هي ولقد اتينا موسى الكتابة لعلهم الغير مذكورين في النص يهتدون. بس هذا الكلام يعني ايه صعب شوية قبوله من ناحية اللغة ده ما وردش قبل كده ان حد يعني يذكر بضمير الغائب وهو لم يذكر. طيب - 00:08:34

في نفس الوقت مش ممكن يكون مقصود سرعة وان خلاص قلنا هلك قبل طب بص معي بقى في الاية تاني كده وركز معي بقى عشان التدبر هيجل دي ولقد اتينا موسى الكتاب لعلهم يهتدون - 00:08:52

طب تعال كده نتدبر الايات اللي فاتت نجد ان صحيح بني اسرائيل لم يذكره بحد ذاتهم. لكن فيه ناس تانيين ذكروا وهم دول المقصودين بلعلهم يهتدون. اللي هم مين بقى؟ ارجع معي للاية اربعة واربعين - 00:09:07

ثم ارسلنا رسلنا تنترا كلما جاء امة رسولها كذبوه فاتبعنا بعضهم بعضاً وجعلناهم وجعلناهم احاديث. ده اللي هم الاقوام بتتوع الرسل. فبعدا لقوم لا ميمون ثم ارسلنا موسى واخاه هارون - 00:09:24

وبعد كده ربنا بيقول ايه؟ لعلهم يهتدون اللي هم مين؟ هم الاقوام. الاقوام كلهم. ربنا نزل التوراة لعلهم يهتدون الرسول بعد رسول يعني ربنا ينزل احنا مش بنتكلم عن اي كتاب ده اعزم كتاب بعد القرآن الكريم. من حيس العزمة. القرآن بعده في الترتيب. لكن القرآن اعظم - 00:09:47

من كتب الله يليق على طول التوراة اعظم من الانجيل واعظم من الزبور واعظم من صحف ابراهيم واعظم شيء عظيم فيها شريعة

وعقيدة. فهذا الكتاب فيه بشارات تبشر بمحمد. لعل الناس كلها بما فيهم بني اسرائيل يهتدوا ويؤمنوا بمحمد. احنا تدبرنا قبل كده -

[00:10:11](#)

سورة الشعراء عايز بقى من حضرتك تحط علامة في الصفحة دي في سورة الاية؟ المؤمنون. هنرجع ثاني للصفحة دي. علم عليها روح لسورة الشعراء سورة الشعراء هتقلب هتجيب صورة النور بعد المؤمنون وبعدها سورة الفرقان السورة تالت سورة بعد المؤمنين

[00:10:35](#) اسمها سورة الشعراء -

هات لي اخر الصورة الصورة دي متين تمانية وعشرين اية هات لي مية اثنين وتسعين الاية مية اثنين وتسعين في سورة الشعراء. ها خلاص طلعتوها ولا لسه؟ طيب. اقرا معي مية اثنين وتسعين - [00:10:57](#)

وانه لتنزيل رب العالمين. ده القرآن نزل به الروح الامين. سيدنا جبريل على قلبك لتكون من المنذرين. على قلبك يا محمد. بلسان عربي كل ده ايه؟ القرآن صح؟ كمل معي بقى - [00:11:10](#)

وانه لفي زبر الاولين. يعني في كتب الاولين يعني القرآن ذكر ورسالة محمد ومحمد نفسه كل دول ذكروا في زبر الاولين يعني في كتب الاولين. والاية بتاعتنا في المؤمنون بتقول ايه ما ترجعهاش عشان احنا هنكمل نسب الشعراء. انا هفكرك بها. ولقد اتينا موسى الكتاب اللي هو التوراة من كتب الاولين - [00:11:32](#)

من سبر الاولين لعلهم يهتدون. يعني لعل الناس تهتدي لما تسمع عن رسالة محمد في كتاب موسى وفي الشعراء الاية بتقول ان القرآن جاءت يعني جاءت فيه البشرى جاءت البشرى لي في زبر الاولين يعني الكتب الاولين اللي - [00:12:00](#)

كمل بقى الاية مية سبعة وتسعين في الشعراء او لم يكن لهم اللي هم كفار قريش بقى وكفار المشركين العرب. اولم يكن لهم اية ان يعلمه علماء بني اسرائيل. هم مش مشركوا العرب بيتخذوا اليهود مرجع علمي لهم وكل شوية يروحوا يسألوهم انتم اهل كتاب. وبتعرفوا اكثر من - [00:12:20](#)

طب خلاص هو دي مش اية واضحة مش علامة واضحة على صدق محمد. ان علماء بني اسرائيل معترفين بربوة محمد وبقى منهم صحابة سيدنا عبدالله بن سلام بن الحارث ابو يوسف الاسرائيلي - [00:12:43](#)

يا صحابي اسمه كده ابو يوسف الاسرائيلي نزلت فيه اية في سورة الاحقاف وشهد شاهد من بني اسرائيل على مثله تمام طب نرجع بقى للمؤمنون. ارجع لي للمؤمنون. ارجع لسورة المؤمنون - [00:13:03](#)

شوفوا يا جماعة قال النبي صلى الله عليه وسلم انا دعوة ابي ابراهيم وبشارة عيسى سيدنا ابراهيم دعا في سورة البقرة قال ربنا وابعت فيهم رسولا منهم اللي هو محمد. يتلو عليهم اياتك ويعلمهم الكتاب والحكمة ويزكيهم - [00:13:19](#)

وكان يبدعو للناس اللي هتسكن حول البيت الحرام مكة. وقال ابعت رسولا منهم فما فيش غير سيدنا محمد. سيدنا عيسى في سورة الصف قال ايه؟ واذا قال عيسى بن مريم يا بني اسرائيل اني رسول الله اليكم مصدقا لما بين يدي. لي جه قبلي من التوراة ومبشرا -

[00:13:36](#)

برسول يأتي من بعدي اسمه احمد اقرا بقى معي خمسين واثنين وخمسين. يبقى احنا اذا الاية بتاعة المؤمنون اللي بتقول ولقد اتينا موسى الكتابة لعلهم كل الاقوام بما فيهم يشركوا العرب وبني اسرائيل كل الدنيا يهتدون الى - [00:13:56](#)

رسالة محمد اقرا بقى معي خمسين واحد وخمسين اثنين اقرا معي خمسين بس الاول. اقرا معي الاية خمسين وجعلنا ابن مريم وامه اية واويناهما الى ربوة ذات قرار ومعين لما ذكر - [00:14:20](#)

سيدنا موسى وهارون وذكرت الايات والمعجزات لما ربنا قال ثم ارسلنا موسى واخاه هارون باياتنا وسلطان مبين. يسجد ايه؟ يقصد العصاية ويقصد اليد ويقصد الايات ايه اللي جاب بتاعة سيدنا موسى كلها؟ تسع ايات. صح؟ لكن لما يذكر المسيح وامه - [00:14:40](#)

هم نفسهم اية هم نفسهم معجزة سيدنا المسيح كان عنده معجزات تانية لكن هم اكبر معجزة هو المسيح نفسه وامه اكبر دليل على قدرة الله وعلى صدق النبوة هو اللي حصل لهم هم الاثنين. وجعلنا اقرا معي وجعلنا ابن مريم وامه اية - [00:15:06](#)

لما سيدنا جبريل يا جماعة نزل يبشر السيدة مريم بولد وقال لها ايه قال انما ان رسول ربك لاهب لك غلاما ذكيا ليه استغربت وقالت

له قالت انى يكون لي غلام ولم يمسنى بشر ولم اك بغيا؟ طب ما يمكن يقصد انك هتجوزها - [00:15:26](#)

انت مستغربة ليه! ما تقولي ايه! الحمد لله هيجي لي عريس ليه مستغربة؟ ليه بتقولي انى يقول لي غلام ولم يمسنى بشر ولم اك بغيت مين؟ قال لك انها تجبني بدون ذكر اصلا - [00:15:44](#)

هي قالت كده ان ما ينفعش ملك ينزل عشان يقول لها يجي لك عريس الملك نازل بمعجزة خارقة لقوانين التكاثر في الكون اصلا. يا مريم هيجي لك عيل من غير ما - [00:15:57](#)

ومن غير ما يقرب منك بشر اذا مريم نفسها هي المعجزة وابنها جه بدون اب فهو نفسه برضه المعجزة. اقرا معي بقى خمسين وجعلن ابن مريم وامه اية واويناهما الى ربوة ذات قرار ومعين. من رحمة ربنا انه الهمها انها تروح مكان بعيد مكانا قصير. بعيدا - [00:16:12](#)
اعين الناس وتجلس على ربه عالية كده شوية مكان يصلح للجلوس فيه. ذات قرار. مكان ينفع تستقر فيه. مش تحت كلها صخور ومش عارف تقول لا حنة تعرف تقعد فيها. ماشي؟ ذات قرار ومعيب - [00:16:37](#)

فيها ماء معين ماء ماشي من تحتها ثم ربنا يوجه خطابه لخير البشر الرسل. اقرا واحد وخمسين واثنين وخمسين يا ايها الرسل كلوا من الطيبات واعملوا صالحا. اني بما تعملون عليم. وان هذه - [00:16:50](#)

امة واحدة وانا ربكم فاتقون في سورة الحج ربنا قال الله يصطفي من الملائكة رسلا ومن الناس. اذا ربنا بيوجه كلامه للي اصطفاهم من الناس. للجنود الفدائيين بتوعه اللي من بين مليارات البشر ليحملوا على اكتافهم - [00:17:14](#)

عبء ثقيل هو هداية الناس وحملة دعوة الى الله كل الناس فشوف ربنا بيكلهمم بتقدير وبحب ازاي ارسلمهم وهو يعلم انهم

سيكذبوا وسيمروا باشد واحلك الاوقات. اقرا واحد وخمسين بقى يا ايها الرسل - [00:17:38](#)

كلوا من الطيبات واعملوا صالحا. اني بما تعملون عليم الدنيا دي انتم تعبتوا وجاهدتم وصبرتم وانا عليم. عليم صيغة مبالغة من عالم على وزن فعيل للتأكيد على علم ربنا بما قام به هؤلاء - [00:18:03](#)

طب ما تحرموش نفسكم من الاكل بقى ومن الطيبات لا لا لا لا. اللي يلاقي حاجة كويسة حلوة حلال ياكلها يعني ربحوا نفسكوا وكملاوا الاعمال الصالحة واعملوا صالحا لغاية ما اكفنكم بقى يوم القيامة. دون ذكر مكافأة يوم القيامة - [00:18:23](#)

انت لما يكون عندك موزف قام بعمل قوي جدا وبطولي جدا وابلى بلاء حسنا. في مهمة هو موجود فيها في مكان بعيد في مدينة معينة. وكلملك قال لك خلصت يا بشمهندس الموضوع الفلاني زي الفل والموضوع مشي والصفقة مشيت وكله تمام - [00:18:44](#)

التليفون هتقول له ايه؟ طيب ممتاز. انا مقدر جدا اللي انت عملته استريح بقى شوية وخذ نفسك ما تجيش على طول وكل لقمة كويسة وتعال. يبقى انت ناوي تعمل ايه لما ييجي - [00:19:00](#)

هنا ربنا قال لهم ما قلهمش هيعمل معهم ايه في الاخرة لكن قالو لهم في الدنيا يا ايها الرسل كلوا من الطيبات واعملوا صالحا اني بما تعملون عليم بس مش محتاج يقول بقى هيحصل ايه بعد كده مش محتاج يقول - [00:19:15](#)

ده غير ان هم اصلا الرسل ما يفرقش معهم زي ما تقول لهم هتاكلوا رمان وآآ عنب والجنة فيها حور عين ولا اي شيء عام خالص. الرسل كل همهم ارضائي لأ نظرة من الله. ده كل هم هم. فيقول لهم ايه - [00:19:29](#)

اتنين وخمسين بقى عشان دي فيها ثلاث قراءات وان هذه امتكم امة واحدة وانا ربكم فاتقون فيها ثلاث قراءات وان قراءة ورش ونص القراء تقريبا قروا كده. وان هذه مش وان هذه امتكم - [00:19:46](#)

وان قراءة ابن عامر وان هذه امتكم امة واحدة وان هذه قراءة حفص وتقريبا برضو نص القراء وان هي قراءة ابن عامر وان هذه امتكم يعني بيكمل كلامه للرسل ويبقى الخطاب للرسل - [00:20:05](#)

بيقول لهم كلوا من الطيبات واعملوا صالحا اني بما تعملون عليم وانتهى به امتكم امة واحدة بقية كلامه للرسل. يبقى ربنا بيقول

لرسل دي امتكم امة واحدة يفخروا بهم كلهم بقى - [00:20:28](#)

يهود افخر بقوم محمد يا موسى افخر بقوم عيسى. يا عيسى افخر بقوم صالح وهك كلهم امة واحنا امة واحدة يعني الناس اللي انتم خدمتوهم دول وتعبتم ليهتدوا دول هم امة واحدة. امتكم. فيه نبي هيجي يوم القيامة ما فيش معه ولا مؤمن. ما حدش امن به

هيجي ايه دي فاضية يعني؟ يعني مسلا ما نجحش مسلا لا ناجح كل كل واحد حط لبنة حط طوبة في بناء كبير اسمه بناء الاسلام
افرحوا كل المؤمنين دول امتكم كلهم - 00:21:06

خلاص؟ وان هذه يوم القيامة بقى امتكم امة واحدة افرحوا بهم كلهم طيب لو استخدمنا وان اللي هي قراءة ورش. هذه امتكم امة
واحدة. يبقى الكلام للرسل انتهى خلاص. واللي جاي - 00:21:22

ايه ده كلام جديد ببدا للناس اللي بتقرأ هذا القرآن سنة الفين واحد وعشرين وبتدبره كل يوم على الفيسبوك وعلى اليوتيوب وعلى
الانستجرام وان هذه امتكم امة واحدة. الكلام خلاص خلص. ده كلام جديد - 00:21:39

وان هذه امتكم امة واحدة. اللي هي قراءة حفص تحتل الاثنين ان الخطاب ده يكون تكلمة الايات اللي فاتت اللي هي خطاب الرسل
او انه يكون خطاب جديد لقارئ القرآن اللي بيقرأ دلوقتي - 00:21:56

وفي النهاية ربنا خاطب بكل الرسل وبيخاطب بكده الناس. والاتنين مخاطبين بنفس هذا الكلام. وان هذه امتكم امة واحدة لا سانية
واحدة وان هذه امته امة واحدة مش بتفكركم بحاجة دي. احنا مش تدبرنا اية شبه دي قريب يا جماعة. ابس سورة الانبياء -

00:22:12

معلش عشان خاطري علم على الصفحة دي في صورة المؤمنين وارجع لي لسورة الانبياء الاية واحد وتسعين هات لي سورة الانبياء
واحد وتسعين الصورة اللي قبل اللي فاتت ها ارجع اللي فاتت الحج اللي قبلها الانبياء في اخرها واحد وتسعين - 00:22:34

سورة واحد وعشرين هات الاية واحد وتسعين. اقرا بقى واحد وتسعين معي والتي احصنت فرجها. برضو بيتكلم عن السيدة مريم
وسيدنا عيسى وانهم اية قبل ما يتكلم في ان هذه امتكم زي نفس السيكو - 00:22:51

والتي احصنت دايرة واحد وتسعين والتي احصنت فرجها. فنحن فيها من روحنا وجعلناها وابنها اية للعالمين ان هذه امتكم امة
واحدة وانا ربكم فاعبدون. في نفس السياق نفس الحديث عن الانبياء وبعد الوصول للسيدة مريم وابنها المسيح جت ان هذه

00:23:05

امتكم امة واحدة - 00:23:05
امة محمد وامة الاسلام هي امتكم كلكم يا انبياء ربنا فيها رسائل كثيرة جدا دي ان هذه امتكم امة واحدة فيها رسائل كثيرة جدا
موجهة لقلب القارئ المتدبر. مش القارئ اللي بيقرأ بسرعة مش فاهم حاجة لا - 00:23:33

فكروا فيها واكتبوا الكلام ده في التعليقات وبكرة نناقشها في اول الحلقة باذن الله نتوقف هنا الليلة الحمد لله. اللهم انا نسألك حبك
وحب من يحبك وحب كل عمل يقربنا الى حبك. اللهم ما رزقنا ما نحب فاجعله قوة لنا فيما تحب - 00:23:51

وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا ومن الماء بارد على الظمأ اللهم
حبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب - 00:24:12

ملائكتك وانبيائك ورسلك وعبادك الصالحين. اللهم احبي قلوبنا بحبك واجعل لك كما تحب. اللهم اجعلنا نحبك بكل قلوبنا. ونرضيك
بكل اجسادنا. الله ثم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا - 00:24:34

وجلاء احزاننا وذهاب همومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم
بحق كل حرف في كتابك تلونه او تدبرناه افنا واهلينا شر كل من يكيد لنا - 00:25:04

واحفظنا من شرورهم ونجعلك اللهم في نحورهم فانت الوكيل ولا حول ولا قوة الا الله بك. اللهم من قضى منا بالبوء المنتشر فاكتب
له الشهادة. ومن او من احبابنا مريضا به او حاملا له فالبسه ثوب الصحة. فالبسه ثوب الصحة - 00:25:32

والعافية عاجلا غير اجل. ومن لم يصب به فقهه شره. وابعده عنه ولا تسلطه الا على آآ اعدائك واعداء دينك واعداء اوليائك. اللهم انك
تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على - 00:26:02

دعوتك وتعاهدت على نصره شريعتك. فوثق اللهم رابطتها وادي الودها واهدا سبلها. واملاها بنورك الذي لا يخبو. واشرح صدورنا
بفيض الايمان بك وجنين التوكل عليك واحيها بمعرفتكم وامتها على الشهادة في سبيلك - 00:26:32

انك نعم المولى ونعم النصير السلام عليكم ورحمة الله وبركاته. نهاركم غدا باذن الله ان كنا من اهل الدنيا - 00:27:02